



C O M U N E D E P À D R I A
(Provìntzia de Tàtari)

Pratza de su Comune – Pàdria – Tel. 079/807018 –
protocollo@pec.comune.padria.ss.it

AVISU PÙBLICU

**PRO SA CUMPARTETZIPATZIONE A S'ACUMPRIDA DE SU PROGRAMMA DE
SAS MANIFESTATZIONES IN ATUATZIONE DE SA DELIBERATZIONE DE SA
GIUNTA DE S'UNIONE DE SOS COMUNES N. 23 DE SU 03/06/2022**

Su Responsàbile de su Servìtziu Finanziàriu Sòtziu – Culturale

Bida sa Deliberatzione de s'Assemblea de s'Unione n. 9 de su 12.04.2019 chi tratat s'aprovatzione de su Regulamentu pro s'istitutzione de s'albo e sa cuntzessione de contributos a assòtzios;

Bida sa Deliberatzione de sa Giunta Comunale de s'Unione de sos Comunes de su Biddanoa n 23 de su 03/06/2022 chi at pro ogetu: “Aprovatzione pianu de partidura 2022 programma unitàriu manifestatziones in su territòriu de su Biddanoa” cun sa cale s'Unione cheret sustènnere sos interbentos e sas atividades chi punnant a:

- Promòvere atividades e eventos de interessu e utilidade pùblica, chi apant sa punna de irrichire, in generale, s'àmbitu culturale, de sa costumàntzia, educativu, formativu, ambientale, sotziale, isportivu e turìsticu de su territòriu;
- Valorizare sa condizione de sos giòvanos;
- Prevènnere sa minimadura de sa populatzione in sas biddas minores;
- Dare unu contributu a artziare su livellu de sa vida assotziada e de sas diferentes articulatziones suas a favore de sas diferentes fàscias de edade;
- Aumentare su prestìgiu e sa màgine de su territòriu in s'interessu de totus.

FAGHET ISCHIRE CHI

S'Amministrazione Comunale cheret interessare sos assòtzios chi òperant in su territòriu comunale pro collaborare in s'acumprida de su programma de sas manifestatziones de s'Unione de sos Comunes de su Biddanoa, chi includit unas cantas iniciativas sotziales, culturales de ispetàculu e ligadas a sos ritos de sa costumàntzia.

Su programma detzisu dae s'Unione de sos Comunes de su Biddanoa, de acumprìre in su territòriu de su Comune de Pàdria, at a dèvere èssere fatu cun s'interessamentu de entes e Assòtzios, chi no apant interessu a bi balangiare, chi ant a dare sa disponibilidade, in relata a sos argumentos diferentes prevididos, dende vida a formas idòneas de collaboratzione e de cooperatzione de pare a pare cun su Comune.

Custu Avisu si devet leare a cunsideru comente protzedimentu de evidèntzia pùblica, pro acollire sas dimandas dae parte de sugetos interessados, in su respetu de sos printzìpios de non distintzione, tratamentu che pare, proportzionalidade, trasparèntzia e publitzidade.

ART. 1 – OGETU

Sas manifestatziones de custu avisu sunt cussas aprovadas dae s'Unione de su Biddanoa, e dae sa Giunta Comunale cun deliberatzione pròpia n. 23 de su 03/06/2022 , de acumprìre, in su **territòriu de Pàdria** e inoghe a sighire torradas a giùghere. Pro omni manifestazione est inditada sa tzifra màssima de su contributu chi si podet dare a titulu de “cooperazione partenariale”.

ÀMBITU	INITZIATIVA	IMPORTU
Costumàntzias	Video promotzionale de sa bidde e de su territòriu	4.631,00
Cultura	Festival de su romanzu istòricu	2.000,00
Costumàntzias	Cuntzertu de Nadale	4.000,00
Costumàntzias	Sa Chida Santa	1.000,00
Isport	Die de s'Isport	2.000,00
Totale		13.631,00

ART. 2 – RECHISIDOS DE PARTETZIPATZIONE

Est prevididu s'interessamentu de unu o prus assòtzios culturales iscritos a manera regolare a s'Albu de sos organismos assotziativos de s'Unione de sos Comunes de su Biddanoa.

Sos sugetos beneficiàrios de su contributu divent àere, pro no èssere esclusos, sos rechisidos chi s'ghint:

- èssere iscritos a manera regolare a s'albu de sos organismos assotziativos de s'Unione de sos Comunes de su Biddanoa;
- acumprìre, pro istatutu, atividades, sena bi balangiare, chi apant a manera prioritària sa punna de sa promotzione culturale e isportiva e de satisfamentu de su bisòngiu de istare paris;
- non divent èssere in peruna de sas cunditiones de esclusione dae sa partetzipatzione a sas protzeduras de seletzione de sas cales a s'art. 80 de su DLgs n. 50/2016 e s.c Còdighe de sos Apaltos;
- àere sa capatzidade de cuntatare s'Amministratzione Pùblica.

ART. 3 – AMMANIADURA DE SAS PROPOSTAS

Sas propostas ant a dèvere pertocare a manera printzipale sas categorias de atziones insertadas in su Programma:

- 1. Isport;**
- 2. Costumàntzias;**
- 3. Cultura;**

ART. 4 – TÈRMINES E MODALIDADE DE PRESENTATZIONE DE SAS PROPOSTAS

Sos Assòtzios interessados ant a pòdere presentare a s'Ufitziu Protocolu sas propostas intro de sas 13:00 de sa die **28 de TRIULAS de su 2022.**

Sos assòtzios interessados ant a dèvere **imbiare** a su Comune de Pàdria sa manifestatzione de interessu pròpia cun sos mèdios chi sighint:

- cunsignada a manu a s'Ufitziu protocolu, Pratzza de su Comune n. 1;
- posta eletrònica tzertificada a s'indiritzu protocollo@pec.comune.padria.ss.it;
- racumandada cun retzida.

Sa dimanda, sutascrita comente si devet dae su Presidente o Legale Rapresentante de s'Ente chi proponet, at a dèvere èssere ammaniada cunforme a sa modulìstica adotada dae sos ufizios cumpetentes e àere allegados sos documentos chi sighint, pro no èssere esclusos:

1. curriculum de s'ente/assòtziu;
2. progetu: descrizione a sa minuda de sas atividades de acumprire, cun sa previsione de ispesa in relata;
3. documentu de identidade de su rapresentante legale,

Su Comune no at peruna responsabilidade si bi diat èssere carchi discumbèniu in sa cunsigna de sa Posta, o de cale si siat àtera genia chi diat impedire sa cunsigna de sa dimanda intro de su tèrmine apostivigadu.

Sas dimandas presentadas in antis de custu avisu no ant a pòdere èssere atzetadas o leadas a cunsideru. Sas dimandas presentadas posca de s'iscadèntzia no ant a pòdere èssere leadas a cunsideru.

Onni ente/assòtziu, cun riferimentu a custu avisu, at a pòdere presentare solu una dimanda de contributo, si non si cheret èssere esclusos.

ART. 5 – CRITÈRIOS DE ASSIGNADURA DE SU CONTRIBUTU

Sos contributos ant a èssere assignados cunforma a sos critèrios chi sighint, de atribuire solu in base a sa documentatzione presentada:

n.	CRITÈRIOS DE VALUTAZIONE	PUNTOS
1	Livellu de atinèntzia de su curriculum presentadu cunforma a s'eventu de acumprire: <ul style="list-style-type: none"> • peruna atinèntzia • paga atinèntzia • bona atinèntzia • atinèntzia de su totu 	0 puntos 2 puntos 5 puntos 10 puntos
2	Nùmeru de eventos organizados in sos ùrtimos chimbe annos cun riferimentu a sas tipològias chi s'ghint: <ul style="list-style-type: none"> • cunvegnos: • manifestatziones turísticas: • manifestatziones isportivas: 	<ul style="list-style-type: none"> • n. 2 puntos pro onni cunvegnu acumpridu de sa durada de a su mancus duas oras (màssimu 10 puntos) • n. 2 puntos pro onni eventu (màssimu 10 puntos) • n. 2 puntos pro onni manifestazione isportiva acumprida (màssimu 10 puntos)
3	Gradu de cumpartetzipatzione a sas ispesas (s'at a leare a cunsideru su Pianu finanziàriu de ispesa)	10 puntos omni milli èuros de cumpartetzipatzione in agiunta

ART. 6 – LOGU DE ACUMPRIMENTU DE SOS EVENTOS

Totu sas propostas de sas cales a custu Avisu s'ant a dèvere acumprire in su territòriu de su Comune de Pàdria

ART. 7 – PUBLITZIZATZIONE DE SAS ATIVIDADES FINANTZIADAS

Sos beneficiàrios ant s'òbligu de impitare su contributu solu pro sas atividades e sas iniziatives pro sas cales est istadu cuntzessu. Sos beneficiàrios ant puru s'òbligu de fare pùblica sa cuntzessione de su contributu dae parte de su Comune de riferimentu, de s'Unione de sos Comunes de su Biddanoa e de àteros dàbiles sugetos finanziadores, insertende totu su materiale publitziàriu relativu a sas iniziatives, s'istemma de su Comune de riferimentu e de s'Unione de sos Comunes de su Biddanoa.

ART. 8 – RENDICONTATZIONE

Sas ispesas chi si podent ammittere e finanziare ant a èssere totu cussas ligadas a manera istrinta a s'acumprida de sos progetos, gasi comente apostivigadu dae s'Allegadu "A1" chi cuntenet s'elencatzione de sas tipològias de ispesa e sas modalidades de càculu e rendicontatzione.

Sos contributos ant a èssere erogados cun determinatzione apòsita dae su Responsàbile de s'Àrea Sòtziu-Culturale cun unu primu **acontu** non superiore a sa summa de su **70%** de s'importu assignadu.

Onni Assòtziu/ente, pro àere s'erogatzione de su saldu finale at a dèvere presentare unu rendicontu apòsitu de sas summas assignadas cunforma a s'**Allegadu "A1"**. Su rendicontu finale at semper e cando èssere presentadu intro de 90 dies dae sa congruida de sa manifestatzione.

ART. 9 – RESPONSABILIDADE

S'Amministratzione non si leat peruna responsabilidade pro su chi pertocat s'organizatzione e s'acumprida de sas atividades e iniziativas a sas cales dat su sustennu pròpiu, inclùdida sa responsabilidade pro dàbiles coberturas amministrativas. S'acumprida de sos òbligos de lege in matèria fiscale, assistenziale e de collocamentu est a càrrigu solu de s'organizatzione beneficiària de s'interbentu.

ART. 10 – DISPOSIZIONES FINALES

Pro cantu no est disciplinadu dae custu avisu, s'aplicant sas dispositziones de su "Regulamentu pro s'istitutzione de s'albu e sa cuntzessione de contributos a organismos assotziativos" aprovadu cun Deliberatzione de s'Assemblea de s'Unione n. 9 de su 12.04.2019.

Custu bandu, umpare a sa modulìstica pro sa presentatzione de sa dimanda e pro sa rendicontatzione est publicada in su giassu web istituzionale de su Comune de www.comune.padria.ss.it

Pro informatziones e/o acaramentos indirizzare-si a: Ufitziu Sòtziu – Culturale tel 079807018 – Dut.ra Lucia Catte.

Su Responsàbile de su Servìtziu

Dut.ra Mariangela Arca